

Zulu - Ukuphulukisa miBhalo - Healing Scriptures

Eksodusi 15:26 wathi: “Uma ulalela nokulalela izwi likaJehova uNkulunkulu wakho, ukwenze okulungile emehlweni akhe, ulalele imiyalo yakhe, ugcine izimiso zakhe zonke, angiyikubeka phezu kwakho nasinye salezo zifo engizibeke phezu kwabaseGibithe, ngokuba nginguJehova okuphilisayo.”

Duteronomi 7:15 UJehova uyakususa kuwe zonke izifo, angabeki kuwe izifo ezimbi zaseGibithe ozaziyo, kepha azifake phezu kwabo bonke abakuzondayo.

AmaHubo 107:20 Wathuma izwi lakhe, wabaphilisa, wabakhulula emathuneni abo.

AmaHubo 146:8 UJehova uyenza ukuba izimpumputhe zibone; uJehova uyavusa abathotshisiweyo; uJehova uyathanda abalungileyo.

Isaya 35:5 Khona amehlo ezimpumputhe ayakuvulwa, zivuleke nezindlebe zezithulu.

Isaya 53:5 Yebo, yalinyazwa ngenxa yeziphambeko zethu, yachotshozwa ngobubi bethu; isijezi so sasiphezu kwayo ukuba sibe nokuthula, nangemivimbo yayo siphilisiwe thina.

Isaya 58:8 Khona ukukhanya kwakho kuyakuqhamuka njengokusa, nokuphuluka kwakho kuyakuvela masinyane, ukulunga kwakho kuhambe phambi kwakho, inkazimulo kaJehova ibe semva kwakho.

Jeremiya 30:17 Ngokuba ngiyakubuyisela ukuphila kuwe, ngelaphe izilonda zakho,’ usho uJehova, ‘ngokuba bakubize ngokuthi Oxoshiweyo neSiyoni elingafunwa muntu.’

Jeremiya 33:6 “‘Bheka, ngiyakuwulethela impilo nokuphulukiswa, ngibelaphe, ngibambulele ukuthula nokulondeka okuningi.

Malaki 4:2 Kepha kinina enilesabayo igama lami kuyakuphuma ilanga lokulunga, linokuphilia emaphikweni alo; niyakuphuma, nitshekule njengamathole esibaya.

Mathewu 4:23,24 UJesu walihamba lonke elaseGalile efundisa emasinagogeni abo, eshumayela ivangeli lombuso, ephulukisa abantu ezifweni zonke nasebuthakathakeni bonke. 24 Udumo Iwakhe Iwezwakala ezeni lonke laseSiriya; baletha kuye bonke abagulayo abaphethwe yizifo ngezifo nobuhlungu, nabakhwelwe ngamademoni, nabanesithuthwane, nabafe uhlangothi, wabaphulukisa.

Mathewu 8:16,17 Kwathi sekuhlwile, baletha kuye abanangi abakhwelwe

ngamademoni, wakhipha omoya ngezwi, waphulukisa bonke abagulayo, 17 ukuze kugcwaliseke okwakhulunywa ngo-Isaya umprofethi ukuthi: "Yena wabetshatha ubuthakathaka bethu, wathwala izifo zethu."

Mathewu 9:35 UJesu wayihamba imizi yonke nemizana efundisa emasinagogeni abo, eshumayela ivangeli lombuso, ephulukisa izifo zonke nokugula konke.

Mathewu 10:1,8 Wayesebabiza abafundi bakhe abayishumi nambili, wabanika amandla phezu kwawomoya abangcolileyo ukuba babakhiphe, nawokuphulukisa izifo zonke nokugula konke. (Marku 3:14,15) 8 Phulukisani abagulayo, nivuse abafileyo, nihlambulule abanochoko, nikhiphe amademoni. Namukelisiwe ngesihle, yiphani ngesihle.

Mathewu 11:5 Izimpumputhe ziyabona, izinyonga ziyahamba, abanochoko bayahlanjululwa, izithulu ziyezwa, abafileyo bayavuswa, abampofu bayashunyayezwa ivangeli;

Mathewu 12:15 Kepha uJesu ekwazi lokho wamuka lapho. Bamlandela abaningi, wabaphulukisa bonke.

Mathewu 15:30 Kwase kusondela kuye izixuku eziningi zinezinyonga, nezimpumputhe, nezimungulu, nezilima, nabanye abaningi, zababeka ngasezinyaweni zakhe; wabaphulukisa,

Mathewu 17:20 Wayesethi kubo: "Kungenxa yokukholwa kwenu okuncane. Ngokuba ngiqinisile ngithi kini: Uma ninokukholwa njengembewu yesinaphi, niyakuthi kule ntaba: 'Suka lapha, uye laphaya,' iyakusuka; akukho okuyakunahlula.

Marku 1:34 Waphulukisa abaningi abaphethwe yizifo ngezifo, wakhipha amademoni amanangi, wayengawavumeli amademoni ukukhuluma, ngokuba ayemazi.

Marku 3:10 ngokuba wayephulukisa abaningi, kwaze kwathi bonke abanezifo bawela phezu kwakhe ukuba bamnamathe.

Marku 6:5,6,13 Wayengenakwenza lapho nowodwa umsebenzi wamandla ngaphandle kokuthi wabeka izandla phezu kwabagulayo abayingcosana, wabaphulukisa. 6 Wamangala ngokungakholwa kwabo. Wahamba imizi ngemizi efundisa. 13 Bakhipha amademoni amanangi, bagcoba abagulayo abaningi ngamafutha, babaphulukisa.

Marku 6:55,56 Bagijimela kulo lonke lelo zwe, baqala ukuletha abagulayo ngezinhlaka, lapho bemuzwa ukuthi ukhona. 56 Kwathi nomaphi lapho engena khona, emizaneni, nasemizini, nasemaphandleni, babeka

abagulayo ezigcawini, bamncenga ukuba bathinte noma umphetho wengubo yakhe kuphela; bonke abamthinta basindiswa.

Marku 8:23-25 Wayibamba impumputhe ngesandla, wayiholela ngaphandle komuzi, wafela amathe emehlweni ayo, wabeka izandla phezu kwayo, wayibuza wathi: “Ubona utho na?” 24 Yabheka, yathi: “Ngibona abantu, ngibabona behamba; kungathi yizihlahla.” 25 Khona waphinda wabeka izandla phezu kwamehlo ayo, yabhekisa, yasinda, yabonisisa konke.

Marku 9:29 Wayesethi kubo: “Lolu hlobo lungephume ngalutho, kuphela ngokukhuleka nangokuzila ukudla.”

Marku 16:17,18 Lezi zibonakaliso ziyakubalandela abakhelwayo: ngegama lami bayakukhipha amademoni, bashumayelete ngezilimi ezintsha, 18 baphathe izinyoka; uma bephuza okubulalayo, akusoze kwaba nangozi; bayakubeka izandla phezu kwabagulayo, basinde.”

Luka 4:18 “UMoya weNkosi uphezu kwami, ngokuba ingicobile ukuba ngishumayelete ivangeli kwabampofu, ingithumele ukumemezelwa ukukhululwa kwabathunjiweyo, nokubona kwabayizimpumputhe, nokuhlenga abacindezelweyo,

Luka 4:40 Ukushona kwelanga bonke ababe nabagulayo izifo ngezifo babaletha kuye; ebeka izandla phezu kwabo ngabanye wabaphulukisa.

Luka 5:15 Kwayilapho ukukhuluma ngaye kwanda kakhulu. Zabuthana izixuku eziningi ukuzwa nokuphulukiswa ezifweni zazo.

Luka 5:17-25 Kwathi ngolunye Iwalezo zinsuku yena esafundisa, kwakuhlezi khona abaFarisi nabafundisi bomthetho ababephuma emizini yonke yaseGalile neJudiya neJerusalema. Namandla eNkosi ayekuye ukuba aphulukise. 18 Bheka-ke, nanko amadoda ethwele ohlakeni umuntu ofe uhlangothi, efuna ukumngenisa nokumbeka phambi kwakhe. 19 Engafumani ukuthi angamngenisa kanjani ngenxa yesixuku akhwela phezu kwendlu, amehlisa ophahleni kanye nohlaka ngaphakathi phambi kukajesu. 20 Ebona ukukholwa kwavo wathi: “Mngane, uthethelelewe izono zakho.” 21 Ababhali nabaFarisi baqala ukuzindla ngokuthi: “Ngubani lo okhuluma ngokuhlambalaza? Ngubani ongathethelela izono ngaphandle kukaNkulunkulu yedwa na?” 22 Kepha ujesu ezazi izizindlo zabo waphendula, wathi kubo: “Nizindlani ezinhliziyweni zenu na? 23 Yikuphi okulula ukuthi: ‘Uthethelelewe izono zakho,’ noma ukuthi: ‘Vuka uhambe,’ na? 24 Kepha ukuze nazi ukuthi iNdodana yomuntu inamandla emhlabeni okuthethelela izono,” wayesethi kofe uhlangothi: “Kuwena ngithi: Vuka uthabathe uhlaka

Iwakho, uye endlini yakho.” 25 Wasukuma khona lapho phambi kwabo, wathabatha lokho abelete kukho, wamuka waya endlini yakhe emdumisa uNkulunkulu.

Luka 6:17-19 Khona wehla nabo, wema endaweni eyithafa kanye nesixuku esikhulu sabafundi bakhe noquqaba Iwabantu abavela kulo ionke laseJudiya, naseJerusalema, nangaselwandle IwaseTire neSidoni, 18 ababezile ukumuzwa nokuphulukiswa ezifweni zabo; nababekhathazwa ngawomoya abangcolileyo baphulukiswa. 19 Isixuku sonke safuna ukumthinta, ngokuba kwakuphuma kuye amandla abaphilisa bonke.

Luka 7:21,22 Ngalowo mzuzu yayiphulukisa abaningi ezifweni nasebuhlungwini nakomoya ababi; nezimpumputhe eziningi yazipha ukubona. 22 Yaphendula, yathi kuwo: “Hambani nimlandise uJohane lokho enikubonile nenikuzwile ukuthi: Izimpumputhe ziyabona, izinyonga ziyahamba, abanochoko bayahlanjululwa, izithulu ziyezwa, abafileyo bayavuswa, abampofu bayashunyayezwa ivangeli;

Luka 8:2 nabesifazane abathile ababephulukiswe kubo omoya ababi nasezifweni: uMariya obizwa ngokuthi uMagdalena, okwakuphume kuye amademoni ayisikhombisa,

Luka 9:2 Wabathuma ukushumayela umbuso kaNkulunkulu nokuphulukisa.

Luka 9:11 Kepha izixuku sezazi zamlandela; wazithakazela, wakhulumka kuzo ngombuso kaNkulunkulu, wabaphulukisa abaswela ukuphulukisa.

Luka 13:12 Kwathi uJesu embona, wambiza, wathi kuye: “Mame, ukhululiwe ebuthakathakeni bakho.”

Luka 13:32 Wathi kubo: “Hambani nithi kuleyo mpungushe: ‘Bheka, ngikhipha amademoni, ngiphulukise abagulayo namuhla nakusasa, kuthi ngosuku Iwesithathu ngipheleliswe.’

Johane 5:8,14 UJesu wathi kuye: “Sukuma, uthabathe uhlaka Iwakho, uhambe.” 14 Emva kwalokho uJesu wamfumana ethempelini, wathi kuye: “Bheka, uphilisiwe; ungabe usona, funa wehlelwe ngokubi kunalokho.”

Johane 14:12 Ngiqinisile, ngiqinisile ngithi kini: Okholwa yimi, imisebenzi engiyenzayo mina naye uyakuyenza, nemikhulu kunale uyakuyenza; ngokuba mina ngiya kuBaba.

IzEnzo 3:6 Kodwa uPetru wathi: “Isiliva negolide anginalo; kepha lokho enginakho ngikupha khona: egameni likaJesu Kristu waseNazaretha,

hamba.”

IzEnzo 5:15,16 ngangokuba bakhiphela phandle emigwaqweni abagulayo, bababeka emacansini nasezinhlakeni, kuze kuthi lapho eza uPetru, isithunzi nje sakhe sisithibeze abanye kubo. 16 Kwabuthana nesixuku esivela emizini ezungeze iJerusalema, beletha abagulayo nabakhathazwa ngawomoya abangcolileyo; baphulukiswa bonke.

IzEnzo 10:38 lokuthi: UNkulunkulu wamgcoba uJesu waseNazaretha ngoMoya oNgcwele nangamandla, owahamba enza umusa, ephulukisa bonke ababesemandleni kaSathane, ngokuba uNkulunkulu wayenaye.

IzEnzo 19:11,12 UNkulunkulu wenza imisebenzi yamandla engavamile ngezandla zikaPawulu, 12 baze bathatha amaduku nezindwangu emzimbeni wakhe, bazibeka phezu kwabagulayo; zase zisuka kubo izifo, nomoya ababi baphuma.

AmaRoma 8:26 Ngokunjalo noMoya uyasisiza ebuthakathakeni bethu; ngokuba asikwazi esingakucela ngokufaneleyo, kodwa uMoya uqobo usikhulumela ngokububula okungenakuphinyiselwa;

1 Korinte 12:9 omunye ukukholwa kuye Iwo Moya, omunye iziphiwo zokuphulukisa kuye uMoya munye,

1 Korinte 12:28 UNkulunkulu umisile abathile ebandleni, kuqala abaphostoli, okwesibili abaprofethi, okwesithathu abafundisi, bese kuba yimisebenzi yamandla, bese kuba yiziphiwo zomusa zokuphulukisa, nokusiza, nokubusa, nezilimi ngezilimi.

Filipi 2:27 Ngokuba nempela wayegula ephansi kokufa; kepha uNkulunkulu wamhawukela, kungeyena yedwa, wangihawukela nami, ukuze ngingabi nalusizi phezu kosizi.

EkaJakobe 5:14 Kukhona ogulayo phakathi kwenu na? Makabize amalunga ebandla, amkhulekele, amgcobe ngamafutha egameni leNkosi.

1 Petru 2:24 yena owathwala izono zethu emzimbeni wakhe emthini, ukuze kuthi sesifile ezonweni siphile ekulungeni, oyena imivimbo yakhe naphulukiswa ngayo;

3 Johane 1:2 Sithandwa, kunakho konke ngikufisela ukuba ube nenhlanhla nokuphila, njengokuba umphefumulo wakho unenhlanhla.